

QVÆSTIO MEDICA.

Cardinalitiis disputationibus manè discutienda in Scholis Medicorum die Jovis 3. Martij.

M. EDMUNDO CHARRIER, Doctore Medico, Præsidente.

An salubriora ex Plantis alimenta, quam ex Animalibus?

REMOTIORA humani corporis elementa, vulgata sunt quatuor: Proxima, humor, in quem conatum calor agens, indigestam molem disgregat, eamque in partes similes, & organicas, è quibus totum confurgit corpus distribuit. Hic porro calor nunquam otiosus, partes jam effictas humore semper affluente auget, & firmat, dumque agit in humorem, hunc pro re natâ versat, & immutat, crudum coquit, coctum segregat, secretum assimilât: Nec solummodo conformationem, accretionem, & nutritionem perficit, sed omnes quæ in nobis sunt actiones caloris beneficio absoluntur: Illius moderatione vivimus, excessu ægotamus, defectu morimur. Sic vita calore conservatur, calorq; fovetur sanguine, & sanguis alimentorum succo instauratur. Quale igitur alimentum, talis est sanguis; qualis sanguis, talis calor, qualis calor, talis actio, ac constitutio redditur. Laudabilis sanguis ex optimis cibariis nascitur, qui si temperatus, blandum calorem sanitatis parentem servabit, si biliosus, intensiorem, unde acuti plerumque morbi oriuntur: si pituitosus, remissiorem, unde vulgò chronici: si paucus, debiliorem, qualis in valetudinariis deprehenditur, si nimius, languidiorem, ob impeditam spirituum diffusionem, unde apoplexia, tetani, interitufque contingunt repentini. Summa itaque sanitatis tuenda ratio, in cibis eligendis, & ritè assumendis sita est, qui eò salubriores censendi, quò temperiores, coctus faciliores, & ad nutriendum aptiores habentur.

HI quidem cibi non ab omni re promiscuè petuntur, sed ab iis duntaxat quæ vitâ fruuntur, ut ex Animalibus & Plantis, è quibus solis medicamenta quoque educuntur. Ex alimentorum albo metalla, lapides, & mineralia expunguntur, ut pote quæ corpus suâ substantiâ non nutrant, nec ipsi suâ qualitate medeantur. Hinc aurum potabile ad curandam valetudinem tantum potabile: Uniones atque lapilli è quibus pretiosæ parantur confectiones, cum nihil nutrimenti habeant, nihilque medicaminis, potius idola sanum, quam commenta Medicorum audiunt. Quædam mineralia, noxia licet aliquando humores deiciant horrendo vomitu, idcirco inter medicamina saltem interna propriè haberi non debent: Ea si quidem præter quod venena exigua quantitate exhibita efficere solent. Ex Animalibus alimentum, & medicamentum, sed naturæ nostræ minùs conveniens quam quod ex Plantis deducitur. Creophagia namque propria est luporum aut vulturnum, quorum vorax est calor, non autem hominis cui *lignum fructiferum & herbam seminalem dedit in escam* qui solus omnia fecit, & novit. Alimentum calori nostro accommodatum uniceque paratè respondere debet: Temperatum, euchymum, & ceuptyum cuius prodest, frigidum tamen calidis naturis salubrius est, ut calidum frigidis, sic gracilibus copiosum convenit, tenue obesis, & quolibet sit sanum sanis. Polytrophum cum euchymo sæpè ratio confundit, & dyscratum à temperato vulgò discernere nequit, quò sit ut vera cibi eligendi lex, non tam sit ratio, quam instinctus etiam in homine cecus, qui pro fermentationum ratione quod necessarium est appetit, nisi pravâ consuetudine, aut saporis suavitatem corrumpatur.

PPlantas ad usum Medicum, & culinarium; Bruta verò ad vestitum, & ad alia vitæ comoda natura providè largitur hominibus. Plus voluptatis quam necessitatis stimulo urgentur, qui ad epulas carnes animalium vocant: Hæ quippè plus faginant, quam corporis habitum conservent. Plantæ habitui nostro convenientiores, quorum vegetum sustentant, illudque ab optimâ constitutione descensum, unâ aut alterâ, quâ præpollent qualitate, ad mediocritatem revocant. Quid tibi optandum vitæ prorogande causâ, quædam plantis non reperias? Esuris? Ecce tibi tot panis, quot frugum, aut leguminum species numerantur. Panem fastidis: salivam fortè movebunt innumera radicum, caulium, olerum, herbarumque fercula. Nauseam tibi movent? Recreabit te ingens fructuum omnigenorum varietas. Stomachum gravant? sunt fraga, Idæi rubi mora, mala armeniaca, & alia id genus stomacho innoxia. Non quovis reperiantur tempora? Ecce tibi altera planta cuius succo, nempe saccharo fugaces fructus conduunt, cæteri quilibet tempestate offeruntur cuiuslibet tempestat, naturæ, & ætati opportuni. Nonne fraga vere, æstate cerasa, autumnus pomis, & hyemæ nucibus, amygdalæ, & molles castanæ inveniuntur? Jam sitis te urget? Ecce tibi ex vite vita, aut ex racemis vinum, convivii delicia, spirituum fomes, juventutis hilaritas, lac senectutis. An abstinentis? Sunt alia ex aliis fructibus vina, sicera ex pomis, & quot fructuum, totidem vini species, Ex granis zizum, cælia, cervisia; Ex bacis forberum, & ex radicibus pitana. Itane tam exquisita deducuntur ex animalibus? An panis vitæ fundamentum, lautior parabitur ex toto, aut parte animalis, quam ex zeâ, tritico, aut fecali? An potio ex sanguine aut humore quovis educetur suavior, quam ex uvis Burgundiacis, aut Rhenensibus? An cupedia plura? an jucundiora? an inventu, cultu, aut paratu faciliora quam ex Plantis quæ usquequaque germinant & vireunt.

CIBI ex Animalibus desumpti, vel ab iis integris, ut ab ostreis, alburnis, cochleis; vel ab eorum partibus, puta carne, sanguine, adipe; vel ab eorum excrementis videlicet lacte, & melle, petuntur. Quæ integra devorantur non famem, sed ventrem implent. Caro vitiosum generat sanguinem aut nimis copiosum, Aliæ si quæ sint partes gulæ gratæ, stomacho erunt noxiæ. Sanguis enim hunc ipsum gravat, adeps huic nauseam parit; cæteræ non coquuntur. Lac, extractum quoddam est plantarum potius quam animalium, quæ quidem in ore animalis conteruntur, in ventre macerantur, & per papillam in liquorem album stillantur; quare cum nondum lac facessent in animalis substantiam, eò salubrius est, quò magis plantæ naturam redoler. Mel quoque videtur florum magisterium ab apibus elaboratum, multos habens usus, quos non tam ab animalculo quam à plantarum flore obtinet. Juscula carniū qui præscribunt in acutis, dicantur tenuem non observantes, plus naturæ rescindendæ, quam morbo expugnando student. Qui sani carnes edunt, sanitati non consulunt; etenim animalis vitia, & mores imbibunt, dum illius carne vescuntur. Alites quæ ferinam sapiunt non comedit canis, ne vim odorandi inde amittat. Rapax ales carnivororum quadrupedum carnem vicissim refugit, nè morbum exinde contrahat. Solus homo rationis consiliumque particeps, in victu ratione, consilioque non utitur, non instinctui, sed voluptati credens, se cibo ingurgitat, animumque unâ cum corpore opplet variâ obsoniorum saburra.

HIC licet quocumque cibo vivat, & valeat, hoc tamen illove multò salubrius, aut insalubrius nutritur. Qui petiit ex plantis, minùs quidem, quam qui ex animalibus, sed salubrius implet. Vitæ protrahendæ cibis utique necessarius est, verum nunquam illius paucitate, sæpius experientia obruimur. Visita quæ longam, felicemque degere vitam, frugi esto, nec sarcophagus. Rara quippe in escâ carniū frugalitas; rarior in crapulâ sanitas. Quorum corpus in faginâ est, vulgò spiritus in macie. Polyphagia, & polyposia consuetudines res est, non naturæ, cui nimium omne inimicum est. Multis elephantis una sylva, quidni uni homini alendo culta mundi plaga non sufficit? quin quadrupedibus, piscibus, volatilibus utatur ad alimoniam, Gregi bouum pascua præbet unicum pratium; cur hominis ventri latrant non facient satis dona Cereris, Pomonæ, Floræ, patrisque Liberi. Solus panis pro alimento esse potest, non sola caro, quæ animi pathematum, potius quam corporis partium alimentum est. Creophagia semper noxia, vel enim vitium quoddam partibus inurit pravâ qualitate, vel plethoram substantiâ polytrophâ ingenerat, ac proinde morborum illam accerit. Hinc carnivori vulgò polyphagi, obesi, lenti, anhelii, stupidi, & somnolenti; Athletarum more citò intereunt, nisi maturè succurratur. Cynrios Corficæ incolæ maxè cæcis exitimaverunt veteres quod herbis tantum vescerentur. Vitæ suæ pensum diu prorogant radicibus Eremicolæ. Quin & Rusticani qui frequentius herbas quam carnes edunt, Urbanis vivaciores sunt. Primi sæculi homines fructibus, & frugibus contenti, ad mille annos vitam egerunt incolumes, nempe cum moderationi, temperatorique uterentur cibo, non indiguerunt operâ Medici, qui largâ cruoris missione superfluum detraheret, ventrisque insatiam ingrati catharsi eliminaret.

Ergo salubriora ex Plantis alimenta quam ex Animalibus.

Asserebat Parisiis CLAUDIUS HUGOT, Cabilonensis, Baccalaureus Medicus. A. R. S. H. 1678.